



Број/Број: 03-50-1-60-13-4/10

Сарајево/Sarajevo 23.07.2010. godine

ZAPISNIK

13. sjednice Odbora za žalbe građana Parlamentarne skupštine Bosne i Hercegovine, održane 21.07.2010. godine

Trinaestu sjednicu Odbora za žalbe građana Parlamentarne skupštine BiH sazvaо je други заменик предсједника Обора, Borislav Radić.

Sjednici Odbora, u svojstvu članova, prisustvovali su: Danica Beriћ, Marijan Milićević i Hamida Karčić, te Željko Grubešić – savjetnik u Odboru za žalbe građana Parlamentarne skupštine BiH i Aida Kreho - privremeni sekretar Odbora za žalbe građana Parlamentarne skupštine BiH.

Sjednici, iz opravdanih razloga, nisu prisustvovali: Mate Miletić, Amela Bašić i Ermin Pešto.

Sjednici su, također, prisustvovali: Fatima Miletić iz Policijske misije Evropske unije, Zoran Brkić – Odjel za odnose s javnošću Parlamentarne skupštine BiH, te predstavnici medija.

Sjednica Odbora počela je u 12 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 12. sjednice Odbora za žalbe građana Parlamentarne skupštine Bosne i Hercegovine;
2. Razmatranje žalbi na rad pripadnika Granične policije BiH;
3. Tekuća pitanja.

Dnevni red je jednoglasno usvojen.

Ad.1. Usvajanje zapisnika sa 12. sjednice Odbora za žalbe građana Parlamentarne skupštine Bosne i Hercegovine

Zapisnik sa 12. sjednice Odbora za žalbe *jednoglasno je usvojen.*

Ad.2. Razmatranje žalbi dostavljenih od Granične policije BiH (izvjestioci: Borislav Radić, Hamida Karčić)

Borislav Radić je, kao izvjestilac po žalbi broj: 03-50-2-761B/10 od 09.06.2010. godine, izvjestio članove Odbora o trenutnim radnjama koje se poduzimaju u konkretnom slučaju. Preciznije, prema informaciji Granične policije protiv službenika njihove agencije pokrenut je disciplinski postupak, te se sada očekuje njegovo okončanje i informacija o ishodu disciplinskog postupka.

Hamida Karčić je, kao izvjestilac u predmetu broj: 03-50-1-60-12-5/10 od 23.06.2010. godine, upoznala članove Odbora sa pojedinostima slučaja, ali i Informacijom Granične policije o načinu na koji je konkretna žalba riješena. Međutim, obzirom da Informacija povlači dodatna pitanja, članovi Odbora odlučili su od Granične policije BiH zatražiti dostavljanje informacije o tome kako je moguće da je tek po povratku iz Bosne i Hercegovine u Hrvatsku utvrđeno da jedan od kanadskih državljana ne posjeduje odgovarajuću putnu ispravu potrebnu za prelazak državne granice, obzirom da je na relaciji Dubrovnik – Mostar potrebno preći granicu između Hrvatske i Bosne i Hercegovine više puta?

Također, članovi Odbora zaključili su da je neophodno u što skorijem period upriličiti posjetu međunarodnom graničnom prijelazu Doljani.

Ad.3. Tekuća pitanja

a) Održavanje sastanka sa Kolegijem Sekretarijata Parlamentarne skupštine BiH

Obzirom na vanredne okolnosti koje su bile razlog otkazivanja sastanka sa Kolegijem Sekretarijata Parlamentarne skupštine BiH, članovi Odbora zaključili su da je u predstojećem period ponovno zakazati sastanak sa Kolegijem Sekretarijata Parlamentarne skupštine BiH, s

ciljem razgovara o uvjetima rada Odbora, imajući u vidu obavezu Sekretarijata Parlamentarne skupštine BiH da Odboru osigura pružanje stručne i administrativno-tehničke pomoći.

Sjednica Odbora za žalbe građana završena je u 13.00 sati.

Privremeni sekretar
Odbora za žalbe građana
Aida Kreho

Drugi zamjenik predsjednika
Odbora za žalbe građana
Borislav Radić